



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-400  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-416-15/21**  
Datum: **25.04.2022. god**

«Agencija za vodno područje rijeke Save» Sarajevo rješavajući po zahtjevu Investitora Muftić Muhibije iz Gračanice za donošenje rješenja o vodnoj saglasnosti za ispuštanje oborinskih onečišćenih otpadnih voda u prirodni recipijent sa lokacije benzinske stanice sa pratećim sadržajem, koja se planira graditi na zemljištu označenom kao k.č. broj: 3194 i 3195 K.O Klokotnica, općina Gračanica, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

### **R J E Š E N J E** **o vodnoj saglasnosti**

1. Investitoru Muftić Muhibiji iz Gračanice daje se vodna saglasnost za ispuštanje oborinskih onečišćenih otpadnih voda u prirodni recipijent sa lokacije benzinske stanice sa pratećim sadržajem, koja se planira graditi na zemljištu označenom kao k.č. broj: 3194 i 3195 K.O Klokotnica, općina Gračanica, na osnovu projektnom dokumentacije:
  - Glavni projekat prikupljanja, tretmana i odvodnje tehnoloških otpadnih voda sa prikazom linije dopiranja velikih voda rijeke Spreče kao i linije vodnog dobra za poslovni objekat namjene benzinska pumpa sa nadstrešnicom koji se planira graditi u naselju Klokotnica, urađen od strane Spreča d.d. Tuzla, april 2022. godine.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva i čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
  - 4.1. Radove na izgradnji sistema za prikupljanje, tretman i ispuštanje otpadnih voda, kao i rezervoara za skladištenje naftnih derivata, izvesti u skladu sa projektnom dokumentacijom iz tačke 1. dispozitiva ovog Rješenja.
  - 4.2. Ugradnju dvoplašnog rezervoara za skladištenje nafte i naftnih derivata zapremine 120 m<sup>3</sup> izvršiti u skladu sa uputstvima proizvođača i važećim propisima za tu vrstu radova.
  - 4.3. Nakon izvođenja radova na ugradnji dvoplašnih podzemnih rezervoara za skladištenje nafte i naftnih derivata izvršiti ispitivanje kvaliteta izvedenih radova na bezbjednost od curenja, a u cilju zaštite površinskih i podzemnih voda.
  - 4.4. Radove na prikupljanju, prečišćavanju i ispuštanju oborinskih onečišćenih voda sa asfaltnih površina benzinske pumpne stanice izvesti u skladu sa ovjerenom projektnom dokumentacijom iz tačke 1. ovog Rješenja.

- 4.5. Način ugradnje separatora i stavljanje istog u pogon uskladiti sa uputama proizvođača opreme u svim fazama.
- 4.6. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
- 4.7. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 4.8. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
- 4.9. Podnosilac zahtjeva je obavezan ispoštovati uslove iz Rješenja o urbanističkoj saglasnosti donesenog od strane Službe za prostorno uređenje, općine Doboj-Istok, broj: UP-I-05-19-118/20 od 07.07.2021. godine.
5. Ukoliko u toku i nakon izgradnje predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procijenjenu štetu nadoknaditi.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za ispuštanje oborinskih onečišćenih voda u prirodni recipijent sa lokacije benzinske pumpe. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19 i 41/20).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Ova vodna saglasnost prestaje važiti istekom roka od dvije godine od dana izdavanja iste, ukoliko u tom periodu ne bude pribavljeno odobrenje za građenje i započeti radovi.

### **Obrazloženje**

Muftić Muhibija iz Gračanice se pismenim putem obratio ovoj Agenciji sa zahtjevom za donošenje rješenja o vodnoj saglasnosti za ispuštanje oborinskih onečišćenih otpadnih voda u prirodni recipijent sa lokacije benzinske stanice sa pratećim sadržajem, koja se planira graditi na zemljištu označenom kao k.č. broj: 3194 i 3195 K.O Klokotnica, općina Gračanica.

U prilogu zahtjeva podnosilac je dostavio slijedeću dokumentaciju:

- Ovjerena kopija lične karte;
- Kopija Rješenja o okolinskoj dozvoli donesenog od strane Ministarstva za prostorno uređenje i zaštitu okolice Tuzlanskog Kantona, broj: 12/01-19-027600/20 dana 12.01.2022. godine;
- Kopija Rješenja o urbanističkoj saglasnosti donesenog od strane Službe za prostorno uređenje Općine Doboj Istok, broj: UP-I-05-19-118/20 od 07.07.2021. izdata od Općinskog suda u Gračanici;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save broj: UP-I/25-1-40-465-5/20 dana 19.11.2020. godine;
- Glavni projekat snabdijevanja vodom i dispozicija otpadnih voda za poslovni objekat benzinske stanice, broj: 1-265-10/21, urađen od strane „ATRIUS PROJEKT“ d.o.o Živinice, oktobar 2021. godine;
- Glavni projekat prikupljanja, tretmana i odvodnje tehnoloških otpadnih voda sa prikazom linije dopiranja velikih voda rijeke Spreče kao i linije vodnog dobra za poslovni objekat

namjene benzinska pumpa sa nadstrešnicom koji se planira graditi u naselju Klokotnica, urađen od strane Spreča d.d. Tuzla, april 2022. godine;

- Konačni izvještaj revidenta o izvršenoj reviziji projekta, urađen od strane Rudarski Institut d.d. Tuzla;
- Dokaz o uplaćenju administrativnoj taksi i upravnoj pristojbi.

Nakon izvršenog uvida u dostavljeni zahtjev i priloženu projektnu i drugu dokumentaciju utvrđeno je slijedeće:

- Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda, niti se lokalitet planirane benzinske stanice nalazi unutar zona sanitarne zaštite izvorišta vode za piće.
- Predmetna parcela na kojoj se planira graditi benzinska stanica sa pratećim sadržajem Investitora Muftić Muhibije nalazi se pored Magistralnog puta Doboj – Tuzla, na zemljištu označenom kao k.č. broj: 3194 i 3195 koja se nalazi u K.O. Klokotnica, općina Doboj Istok.
- Na predmetnoj lokaciji planirana je izgradnja slijedećih sadržaja: nadstrešnica, automati za istakanje goriva, restoran, pomoćne prostorije, kancelarijski prostor, parking prostor, sanitarni čvor, podzemni čelični dvoplašni rezervoar za skladištenje nafte i naftnih derivata. Na lokaciji kompleksa nastaju oborinske onečišćene otpadne vode i sanitarno-fekalne otpadne vode.
- Recipijent otpadnih voda za predmetni objekat je rijeka Spreča, koja spada u vodotoke I kategorije prema Zakonu o vodama. Rijeka Spreča protiče neposredno pored predmetne lokacije te je kod analize dispozicije objekta u obzir uzeto plavno područje i vodno dobro.
- Oborinske onečišćene vode će se prikupljati putem slivnika sa slivnom rešetkom u internu kanalizacionu mrežu i odvesti do tipskog separatora, te preko okna za monitoring ispuštati ispuštati u rijeku Spreču.
- Za skladištenje nafte i naftnih derivata izvršit će se ugradnja podzemnog čeličnog rezervoara sa duplim plaštom ukupne zapremine 120 m<sup>3</sup>.
- Projektna dokumentacija, dostavljena uz zahtjev, urađena je od strane pravnog lica „SPREČA“ d.d Tuzla broj: 051-01-1-530/22, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-465-5/20 dana 19.11.2020. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju:

Glavni projekat prikupljanja, tretmana i odvodnje tehnoloških otpadnih voda sa prikazom linije dopiranja velikih voda rijeke Spreče kao i linije vodnog dobra za poslovni objekat namjene benzinska pumpa sa nadstrešnicom koji se planira graditi u naselju Klokotnica, urađen od strane Spreča d.d. Tuzla, april 2022. godine.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60, 00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

**Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.građ.

Prilog:

- Glavni projekat snabdijevanja vodom i dispozicija otpadnih voda za poslovni objekat benzinske stanice, broj: 1-265-10/21, urađen od strane „ATRIUS PROJEKT“ d.o.o Živinice, oktobar 2021. godine.
- Ovjeren Glavni projekat prikupljanja, tretmana i odvodnje tehnoloških otpadnih voda sa prikazom linije dopiranja velikih voda rijeke Spreče kao i linije vodnog dobra za poslovni objekat namjene benzinska pumpa sa nadstrešnicom koji se planira graditi u naselju Klokotnica, urađen od strane Spreča d.d. Tuzla, april 2022. godine.
- Konačni izvještaj revidenta o izvršenoj reviziji projekta, urađen od strane Rudarski Institut d.d. Tuzla.

**Po ovlaštenju**  
**Rukovodilac sektora za izdavanje vodnih akata**



Haris Ališehović, dipl.inž.građ

Dostaviti:

- Muftić Muhibija, ul. Vranovići, 75320 Gračanica
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava